

• ЯНГИ ЙИЛИНГИЗ

МУБОРАК!

ТИЛАК



ЯНА БАҲОҲ КЕЛДИ

Суратчи: Х. МАМАТҚУЛОВ

Янги йил — Наврӯз келди! Унга эсон-омон етганимизга шукрлар қиламиз. Етолмаганларни яхшиликлар билан ёдлаймиз. Бу — Ватанимизнинг мустақиллиги билан бир ойда туғилган «Оила ва жамият»нинг ҳам ilk баҳори, Наврӯзи!

Янги йилингиз, Янги кунингиз қутлуг бўлсин, азиз Ватандош!

Бошингизга тушиб турган бугунги турмуш қийинчиликлари тезроқ бартираф бўлсин. Хонадонингиздан тинч-тотувлик, меҳр-муҳаббат, ҳурмат-иззат, имон-этиқод ва қут-барақа узилмасин. Дўстларингизга куч-қудрат, душманларингизга тангри ўзи инсоф берсин! Беморлар тезроқ шифо топиб, сафардагиларга Ватан жамоли насиб этсин!..

Энг ёруғ тилакларимизни ва байрам совғаси-газетамизнинг Наврӯзга бағишланган ушбу сонини қабул қилинг.

«НАВРҮЗ»
ЖАМҒАРМАСИ
ҲИСОБ РАҚАМИ:

003700007, код—
172682315, Тошкент шаҳар қурилиш-сановат банкнинг меҳнат бўлими.

Воюта учун. 70000002, Ўзбекистон Республикаси Ташқи фаолият миллий банки.

12 (30) «Оила ва жамият»

Тележурналист Дадахон Ёқубов «Наврўз»нинг қандай ўтиши ҳақида мухбиримизнинг бир неча саволига жавоб берди.

— Дадахон ака, телемарафоннинг ўтказилиш вақти ҳақида мухлисларга ахборот берсангиз.

— Телемарафонимиз 21 март куни эрталаб соат 9.00 да бошланиб, 22 март эрталаб соат 10.00 да тугайди. 25 соат узлуксиз кўрсатув олиб борамиз.

ТЎХТОВСИЗ ЧОРЛАЁТГАН ҚЎНҒИРОҚ

— Сўхбатларнинг бирида «Наврўз» телемарафони бу йил ҳам инсонийлик қўнғироғи бўлиб бонг уради, дегандингиз. Хўш, унга тайёргарлик қандай? Чарчамаяпсизларми?

— Одамларга яхшилик қилаётганини ва уларнинг кўзида ўзингана нисбатан миннатдорчилик маъносини ўқиб оларкансан, чарчашга ҳақкинг йўқ эканлигини англайсан, киши.

Ҳа, бу гапни айтгандим ва яна такрор айтаман: «Наврўз» телемарафони бу йил ҳам инсонийлик қўнғироғи бўлиб жаранглайди. Бу жаранглаш, худо хоҳласа, ҳеч қачон тўхтамайди.

«Наврўз»га тайёргарлик... эрта-ю кеч тиним йўқ. Шахсан ўзим бу ишлардан бир олам завқ олаяпман. «Наврўз тақдирлари» номи билан ўша куни телемарафонда анчагина кўрсатув берамиз. Биз унда ўтган йили, ҳатто етти йил аввал бориб кўрган хонадонларимиз билан хабарлашдик. Ҳол-аҳвол сўрадик. Биз экиб келган кўчатлар катта-катта дарахт, ўша мурғак болалар эса йигит бўлиб етишибди. Эҳ, қувонччи кўрсангиз. Лекин ҳаммасини ҳам қувончли деб бўлмайди, Ойбек исмли бола кўпчиликнинг ёдида бўлса керак. Афсус, у оламдан ўтибди. Фотиҳага бордик... Бундай меҳр-шавқатга, саҳоватга бағишланган тадбиримиз 7—8 йил аввал бошланганида эди, биз Ойбекнинг кўплаб тақдирдошларига кўмак берган бўлармидик...

Таъбир жоиз бўлса, айтишим керакки, кўпчилик мустақиллигимизни яхши тушунмаяпти. Телемарафонимиз асосий мақсадларидан яна бири ғофил бандаларни мустақилликка чиқишга чорлаш. Фақат бу чорлов ақл ва маданият, тинч йўл билан мустақилликка даъват этади.

Телемарафонда яна қандай кўрсатувлар намойиш қилинади, деган савол туғилиши табиий. Асло ташвиш чекманг, мухбиримиз Ўзбекистон ойнаи жаҳони бош директори Баҳодир Муҳамедов билан учрашиб, сизни қизиқтирган саволга жавоб топиб келди.

— Баҳодир ака, ўтган йилги «Наврўз» телемарафонидан бу йилгисининг қандай фарқлари бор?

— Биринчи янгилик, — бу йил наврўз вилоятларда қандай ўтаётганлиги ҳақида водийдан (Андижон — Фарғона — Наманган), Нукусдан, Урганчдан бевосита тўғридан-тўғри мулоқотлар олиб

борилади. Шунингдек, Навоий номи миллий богдаги «Халқ сайли» ҳам бевосита олиб кўрсатилади. Сайл дастури жуда ажойиб. Халқлар дўстлиги саройидан ҳам хайрия концертини тўғридан-тўғри эфирга узатамиз. Бевосита узатиш миллий ойнаи жаҳонимизда энди урфга киряпти.

— Телетомошабинларга маълум ва машҳур кўрсатувларнинг қайси бири ўша куни намойиш қилинади?

— «Олтин бешик» кўрсатувини айтиш мумкин. Эшқобил Шукур кўрсатувнинг бу сонини Самарқанд вилояти бўйича тайёрлаяпти. Бундан ташқари, «Оталар сўзи» ақлнинг кўзи» кўрсатувини ҳам меҳр-оқибатга бағишланган.

— Қўшиқ ва мусиқалар қай тарзда берилади?

— Энг таниқли санъаткорларни таклиф қилганмиз. Дарвоқе, қўшиқчиликка

ЕТТИ КУН

ТУҒИЛИШ КАМАЙМОҚДА

Россия давлатида ўтган йилнинг ноябр-декабр ойларида, урушдан кейин биринчи марта, туғилганлардан (ойига 265 минг) ўлганлар сони (ойига 281 минг) кўпроқ эканлиги қайд этилди.

Ўзбекистонда ҳам туғилиш олдинги йиллардагига нисбатан камаймоқда, ўлим эса ортмоқда.

ИСЛОМ УСМОНОВНИ ТИНЧ ҚЎЙИНГ!

У киши «Туркистон» газетасида саудиялик бир корчалонининг «Агар ҳукумат рухсат берса, ўзбекистонлик камбағаллардан 100 кишини ватанимда 300 долларлик ойлик билан ишга жойлайман» деган гапини эълон қилган эди. Мана қарийб бир ярим ойдан буён ҳузур-ҳаловат нималигини билмайди. Ишхонада кунни қўнғироқларга жавоб қайтариш билан ўтади. Уни эса қамал ҳолатида. Инсоф қилинг, бу аҳволда ҳаммасимиз тез орада кўчага ҳайдалиб, ўз ватанида 300 сўмлик иш ахтариб қолади.

ЙЎЛДАГИ ФОЖИА

Собиқ Ўзбекистон Компартияси Марказий Қўмитасининг собиқ биринчи котиби, яқиндагина қамоқдан чиққан Иномжон Усмонхўжаевнинг бошига кўтилмаган кулфат тушди. Умр йўлдош! Элнури Собирова автомобиль ҳалокатида фожиали ҳалок бўлди. Айтишларича, машинада бўлган яна бир киши ҳаётдан кўз юмган.

ВАРРАКЧИ БОЛАЛАР ДИҚҚАТИГА

Ўзбекистон Республикаси Болалар жамғармаси ва жумҳурият Ешлар Иттифоқи Тошкент шаҳар қўмитаси Сизларни 21 март — Наврўз куни халқлар дўстлиги саройи ёнидаги Абулқосим мадрасаси майдонида ўтказилажак Варрак сайлига таклиф этади. Энг зўр варракчиларни қимматбаҳо совринлар кутмоқда.

Варракчилар мусобақасида қатнашмоқчи бўлганлар қуйидаги рақамга сим қоқиб, рўйхатдан ўтиб қўйсин: 33-38-63.

хос яна бир гап. «Шарқ дурдонаси» туркумида афгон қўшиқчиси Воҳид Қодирий ҳақида кўрсатув қўйилади.

«Юлдуз» фирмаси бизга тақдим қиладиган «Наврўз хангомалари» мусиқий дам олиш кўрсатувини республикамизнинг таниқли қизиқчилари «ичак узди» аския, кулгилари билан кўпчиликни хушнуд этишади.

— Ҳозир Рамазон ойи эканлигини унутмагандирсизлар!

— Албатта, унутганимиз йўқ. Ўша куни соат нечада оғиз очиладиган бўлса, ўша пайтда ифторлик олиб кўрсатилади. Бундан ташқари, «Муҳаммад пайғамбар ҳақида қисса-рисола» фильми са-

ҳарлик вақтигача кўрсатилади. Уч соатлик бу фильм хорижда ишланган. Уни «Мовароуннахр» диний идорасидан мамнуният билан қабул қилдик. Албатта, у кўпчиликка ёқса керак.

— Яна қандай фильмлар кўрсатасизлар?

— Тунги соатларда Ҳиндистонда ишланган «Меҳрибонлик» кинофильмининг дастурга киритганмиз. Қисқаси, бу марафонда ҳар бир киши ўз дидига мос кўрсатувларни кўриши мумкин.

— Айтмоқчи, бу йил телемарафонини қиллар олиб боради!

— Дадахон Ёқубов, Эшқобил Шукур, Муҳаммад Обидов ва Ўзбекистон ойнаи жаҳони суҳандонлари олиб борадилар.

Т.Т.Т.

Ўзбекистоннинг ҳар бир шаҳрида, қишлоғида, кўчасида, деган савол туғилиши табиий. Асло ташвиш чекманг, мухбиримиз Ўзбекистон ойнаи жаҳони бош директори Баҳодир Муҳамедов билан учрашиб, сизни қизиқтирган саволга жавоб топиб келди.

Ўзбекистоннинг ҳар бир шаҳрида, қишлоғида, кўчасида, деган савол туғилиши табиий. Асло ташвиш чекманг, мухбиримиз Ўзбекистон ойнаи жаҳони бош директори Баҳодир Муҳамедов билан учрашиб, сизни қизиқтирган саволга жавоб топиб келди.



ҚОНУНЛАРНИНГ
ПАЙДО БЎЛИШИ

Қадимда бир доно шох фуқаролари учун қонунлар тузишга аҳд қилибди ва минг қабиладан минг донишмандни ҳузурига чорлабди. Ҳамма иш шох айтгандек бўлибди-ю, фақат...

Териларга битилган мингта мажмуа келтирилганда, мамлакатда шунча қонунга аргизулик жиноятлар борлигидан беҳабар шох қаттиқ ўқинибди. Шунда у мирзабошини қақриб, заҳархандалик билан ўз қонунларини ёздирибди. Улар еттига экан.

Бағоят дарғазаб бўлган донишмандлар қонунларини қўлтиқлаб ортларига қайтибдилар ва ҳар бир қабила ўз қонунларига таяниб иш кўра бошлабди.

Шу сабабли у ерда ҳозиргача мингта қонун мавжуд.

У буюк мамлакат, аммо у мулкда мингта қонунни бузган эрқағу аёллар минглаб қамоқхоналарни тўлдириб ўтирадилар.

У ҳақиқатан ҳам буюк мамлакат, бироқ у ерда мингта қонунчи-ю, атиги битта доно шох авлодлари кун кечирадилар.

ЛИБОС

Бир куни Ғўзаллик билан Нодонлик денгиз соҳилида учрашиб қолишибди ва бирга чўмилмоқчи бўлишибди. Иккиси ҳам либосларини ечиб, ўзларини тўлқинлар ихтиёрига топширибдилар. Кўп ўтмай Нодонлик соҳилга чиқибди ва Ғўзаллиكنинг кийим-бошини кийиб, йўлга равона бўлибди. Сўнг Ғўзаллик сувдан чиқибди, аммо кийимларини топа олмабди. Яланғоч кетишга уялиб, Нодонлиكنинг либосларига ўранибди-ю, йўлида давом этибди.

Шундан бери эрқағу аёллар бу иккисини адаштириб юрадилар.

«МЕН СЕНИ СЕВАМАН!»

Жаброн Ҳалил ЖАБРОН

Жаброн Ливаннинг Бишар шаҳрида туғилиб, воёга етган бўлса-да, умрининг асосий қисмини Америкода ўтказди, араб, инглиз тилларида ижод қилди. «Пайғамбар», «Бўронлар», «Севги ҳаёти»

каби ўнлаб китоблар муаллифи.

Ҳозир Жаброн Ҳалил Жаброн асарлари бутун дунёда катта қизиқиш билан ўқилмоқда. Эътиборингизга унинг ибратомуз ҳикояларидан айримларини ҳавола этмоқдамиз.

Тўғри, шундайлар борки, Ғўзаллик қайси кийимда бўлмасин, барибир топиб олишади. Яна шундайлар ҳам борки, Нодонлики бир кўришда танийдилар ва ҳеч қандай либос уни кўздан яшира олмабди.

ИККИ ҚАФАС

Отаниннг боғида иккита қафас турарди. Бирида отаниннг буйруғи билан қўллар Ниновия харобаларидан тутиб келган шер, иккинчисидан сайрашни ўрганиб олган қарға сақланарди. У қарға тонгда шерга қараб қичқирарди:
— Яхши ётиб турдингизми, қисматдош дўстим!

МАЙСА ВА СОЯ

Саратоннинг жазирама кўнларидан бирида майса сояга дебди:
— Эй, такасалтанг, намунча жигмга тегиб тебранганинг-тебранган! Мундоғ бир ўй-хаёл сургани кўясанми-йўқми?
— Нима деяпсиз, бу мен эмас, — жавоб берибди соя. —

Умуман мен эмас! Осмонга бир қаранг-а! Кўкка бўй чўзиб, Мағрибу Машриққа бирдай салом бераётган дарахт-ку?!

Майса осмонга тикилибди ва умрида биринчи бор дарахтни кўрибди. Сўнг ўзича ўйлабди: «Қизик, мендан ҳам баландроқ майса бор экан-да!»

МУҲАББАТ ВА НАФРАТ

— Мен сени севаман, — деди аёл эркакка. Эркак жавоб берди:
— Демак, мениннг қалбимда севингга аргизулик нимадир бор экан.

— Сенчи, сен мени севмайсанми? — сўради аёл.

Эркак диққат билан унга тикилибди ва ҳеч нарса демади.

Шунда аёл қичқирди:

— Сендан нафратланаман!

Эркак яна жавоб берибди:

— Демак, мениннг қалбимда нафратингга сабаб бўлгучи нарса ҳам бор экан-да.

Мутаржим: Азиз АБДУВАЛИ

Бош муҳаррир:
Қулман ОЧИЛ

ТАҲРИР
ҲАЙЪАТИ:
Жуманазар
БЕКНАЗАР
Дадахон
ЕҚУБОВ
Муҳаббат
ИБОДОВА
Абдуҳошим
ИРИСБОЙ

(бош муҳаррир
ўринбосари)
Тўлқин ҲАЙИТ
(масъул котиб)

ЖАМОАТЧИЛИК
КЕНГАШИ:

Қувондиқ
БЕРДИЁРОВ
Мейли
ИУЛДОШЕВ
Рўзимат
САФОЕВ
Абсалом
УСАНОВ
Баҳодир
ЭШОНХОНОВ
Урол
УЗБЕК

Таҳририят
келган хатларга
ёзма жавоб
қайтармайди.
Шунингдек,
фуқаролар
билан
ташкilotлар
ўртасида
воситачилик
ҳам қилмайди.


Газетамиз
ҳомийлари —
Ғаллаорол
туманидаги
«Ғаллаорол»,
Муборак
туманидаги
Хитой давлат
хўжалиги,
Намангандаги
«Тўқимачи»
маданият
саройи.

МАНЗИЛИМИЗ:

700029,
Тошкент — 29
Намойишлар
хизмати,
1-бино.
Телефон:
39-43-95
Обуна
индекси 64654
Буюртма 42

Ўзбекистон
Республикаси
«ШАРҚ»
нашриёт-
матбаачилик
концерни
Тошкент шаҳри

Т.Т.Т.



Рассом: Херлуф БИДСРУП (Дания)

КАҲ-КАҲА 😄😄😄 ХИРИНГ-ХИРИНГ 😄😄



ФАЛСАФАИ КАЛОН

Хону беклар мани танима-
ғони — бахтим, ман аларни та-
ниғоним — бадбахтлғим.

* * *

Биз ўлибмизму, ки пошшо-
ни сўкмоқдин олдин пошшо
ила келишиб олғонингни бил-
масак?

* * *

Тангрим тилсимотининг ға-
ройиблиги кўпчилик ақлдорни
кал қилиб яратғонида эмас, барча
калга ҳам ақл беравермағонида
кўринур.

* * *

Азбаройи тирикчилик деб
майли ўзингни ўзбак кўр-
сатгил, ва яна ўзбакнинг ку-
мочин ямлагил, ва яна ўзбак-
ни ичингда қарғогил, фақат бир
ўтинч борким — ўзбакнинг
номидин сўйлама.

* * *

Бир пўрим афанди йўлим-
дин қолдириб савол ташлади:
«Миллатингга ялғон гапирғон-
мисан?» «Билмадим», дедим.
«Ажаб, унда қайси гуноҳингга
тавба қилғони масчитга қатнай-
дурсан», деб елка қисди ул.

БАЙРАМ ТАЪБИРАРИ

Ҳартугул, Наврўзда ҳам
нос отмоққа қаршилиқ сез-
мағайсиз, фақат егулик кў-
катлар ўсадурғон жойга ту-
пурғонни қалтаклаганларини
кўрганмиз.

* * *

Таомилга кўра ўрик қайна-
турсиз, дўстга озроқ, душ-
манга кўпроқ қуйиб узат-
гайсиз. Зеро мўл ичилғон
ўрик суви сург доридин
баттарроқдур.

Сумалакка тош териш
баҳонасида ариққа оёқ ювга-
ни тушманг.

* * *

Сиздан қарздор киши
аразлағондек юрган бўлса,
Наврўз куни, иншолло, яра-
шиб олғайсиз.

* * *

Байрам байрамдек ўтсун,
бу кун хотиндин холис юринг.

ЎЛМАТНОМА



Ичи тўкилғон тарвузингни кўп
мактама. Ундан кўра, Худойим
яратғон тарвузга тан бергилким,
устада сану ман от чоптириб
юрибмиз.

* * *

Бир доно деди: «Қамбағални
урма-ю, тўнини йирт». Ман доно
кўшдим: «Бойни ўлдирма-ю, душ-
манига амал бер».

* * *

Саводинг чала эрқанин бу ку-
муш тасбеҳ узок яширолмас.



Дардинги олай, десам дўст ўш-
кириб берди: «Зўрга топғонимга
кўз олайтма, мандаги — ишк
дардидур».

* * *

Эшим савдогар Петирбуғдан
гап топиб келиш: «Отни сўй-
ғоч биз ташлаб юборадурғон
қисмлари ул тарафда кўлма-кўл
бўлиб, номи калбаса эркан».

* * *

Пошшо фармон қилибдур:
«Манга айтмай ўғирлағоннинг
боши кесиладур!»

ЎГИТЛАР

Тулки эсанг шерман
дема, шерман десанг
товуқ ема.

* * *

Сотқин бўлғонга
яраша пошшонинг
ўзига сотилгил. Яна
шундоқ сотилгилким,
қўшни пошшодин
қарз сўратгил. Андоғ
қарз сўратгилким,
қимматинг бошингни
қўриқлайдурғон бўл-
сун. Бошингни андоғ
қўриқласинларким,
аввало ўз болангнинг
қўли етмасун.

У бетингга урғон-
нинг бу бетини па-
чоқла.

Қонхўрга кўз ёшла-
ғон — қудуққа қар-
моқ ташлағон.

Бақаларга жўр бў-
либ куйлағондин ҳо-
физ чиқмас.

Савобнинг текинин
қидирадур, гуноҳни
пулга оладур.

Яхши бўри бир қуён
ила икки бор учрашиб
ўтирмағай.

«Э, аҳмоқ, қалланг
жойидами ўзи?» деб
сўрасам, ул аҳмоқ
қалласини ушлаб кў-
риб «ҳа», деди.

ОЖИЗАЛАРГА НАСИХАТ

Эй хотун! Қассобга эрга тегма.
Босинкираб қолғонда тамогингни сий-
палаб «Оллоху ақбар!» деб кўрқи-
тадур.

* * *


Эй хотун! Эринг ярим тунда маст
қелғонида яхши гапир, аччиқ чой
дамла. Ичмай қелғонида ҳам яхши
гапир, вале чойни ўзи дамлаб олсун.

* * *

Эй хотун! Тушингда арқонга тир-
машиб тоққа чиқмоқдин тийил. Магар
чиқсанг ҳам, ёнингда тинчгина ух-
лайдурғон эрингнинг сақолига осилма.

* * *

Эй хотун! Эрингнинг кийимларини
қунда ювгил, токи ҳар кунни бемалол
чўнтак кавлаурсан.



Эй хотун! Эринг маош ила келса
сандиқни оч, ғазаб ила келса сандиққа
қоч.

* * *

Эй доно хотун! Илойим, саломат
бўлғайсеи! Саломат юрмоқ истаганг,
эрингнинг милтиғига қайнағаннинг
қитиғига тегмағайсеи.

БАЙТЛАР

Кетса хотиним, бу рўзиғорим нима бўлғай,
Эчким, товуғим — маккага зорим нима бўлғай?

Етар эмди, бўлиб ботир битай недин дилим доғлиқ,
Ёрга нола қилиб ётмоқ — хотинбозлик ва қўрқоқлик.

Итни итга тишлатиб вақти чоғдир итбоқар,
Бўлди мажруҳ икки ит, ўзи соғдир итбоқар.

Тунда майхона ёнида недур турғон қўнқайиб?
Ётур кўрсам Нор қиморбоз замбаракдек дўнқайиб...

АНВАР ОБИДЖОН